



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1738. usque ad annum 1740

Fleury, Claude

Augustæ Vindelicorum, 1786

VD18 90119355

§. 55. Jubilæum universale initio Pontificatus indictum.

[urn:nbn:de:hbz:466:1-67878](https://nbn-resolving.org/urn:nbn:de:hbz:466:1-67878)

S. LV.

Jubilæum universale initio Pontificatus indictum.

His ita peractis Benedictus Papa ad exorandam Dei opem pro fausto regimine Jubilæi universalis gratiam dispensavit, edita die undecima Novembris Constitutione Apostolica, in cujus exordio eadem ferme, quæ S. Collegio exposuerat, ante omnes fideles præfatus est. En ipsius verba: Lætiora Apostolicæ servitutis auspicia offerri Nobis minime poterant, quam ut tanto onere per studiosissima & concordia Venerabilium Fratrum nostrorum sanctæ Romanæ Ecclesiæ Cardinalium suffragia tenuitati nostræ imposito, in Domino consideremus, omnia consilia, acta & opera in Catholice Ecclesiæ procuratione a Nobis suscipienda conficiendaque, ad Divini nominis gloriam, ad Orthodoxæ Fidei præsidium, ad Sacrosanctæ Religionis incrementum, & ad æternam animarum salutem semper fore re- dundatura. Postquam igitur debitas laudes gratiasque persolvimus bonorum omnium largitori Deo, qui, ut ostendat divitias gloriæ suæ in vasa misericordiæ, dispositione mirabili infirma

Hist. Eccles. Tom. LXXVI. Xx ele-

Sæc. XVIII.
A. C. 1740

„elegit; eidem, cui aperta & nuda
„sunt omnia, in simplicitate cordis no-
„stri revelavimus trepidationem no-
„stram, & argumenta omnia sollicitu-
„dinis ac timoris animo nostro ob in-
„gentem Pontificiarum curarum mole-
„m sese undique ingerentia. Nec omisi-
„mus cum gemitibus & lacrymis pro-
„sternere preces nostras ante faciem
„Dei nostri, ut per merita Jesu Christi
„Filii sui Pastorum Principis, cujus
„supremas in terris vices gerimus, re-
„quiescere faciat super Nos spiritum
„Domini, Spiritum Sapientiae & in-
„tellectus, Spiritum consilii & fortitu-
„dinis, Spiritum scientiae & pietatis,
„& repleat Nos Spiritu timoris Domini,
„ut non secundum visionem oculorum
„judicemus, neque secundum auditum
„aurium arguamus in æquitate pro-
„manuetis terræ.,

„Veram infirmitatem nostram probe
„agnoscentes, nec de tam cælesti fa-
„vore ac benedictione Nobis certo pol-
„liceri audentes; sed minime dubitan-
„tes, quin concors totius Catholice
„Ecclesiae ad misericordiarum Patrem
„supplicantis oratio potentissima sit,
„ut ille uberrimam omnium cælestium
„Charismatum copiam super Nos be-
„nignus effundat; universos Christi fide-
„les rogamus, atque in Domino ex-
„hor-

Sæc. XVIII.
A. C. 1740.

„hortamur, ut nostris suas etiam ala-
„crius jungant publicas ferventio-
„resque preces, supplicationes,
„jejunia, eleemosynas, atque alia pie-
„tatis opera, hoc præsertim tempore
„in quo Carolo claræ memoriæ, dum
„viveret Romanorum Rege in Impera-
„torem electo nuper defuncto, pro novi
„Romanorum Regis futuri Imperatoris
„electione Comitia habenda sunt; dum
„Nos, juxta antiquissimum Romano-
„rum Pontificum Prædecessorum no-
„strorum morem, cælestes Ecclesiæ
„thesauros dispensationi nostræ credi-
„tos erogamus, atque elargimur &c.

§. LVI.

*Dissensionum Reliquiæ ab eodem Pon-
tifice penitus sublatæ.*

Cum Benedicti XIV. Papæ ingressus
ad supremum Apostolatum omnino
pacificus fuisset, inter prima curarum
habuit, ut dissidia, quæ inter Sedem
Sacram, & quosdam Principes Catho-
licos adhucdum gliscere videbantur,
radicitus extirparet. Præprimis igitur
reconciliationem cum Joanne V. Lusit-
ano Rege a Clemente XII. cæptam fe-
liciter absolvit: crebra enim habita
consultatione cum P. Evora, cui Rex
plenam agendi facultatem demanda-
verat